

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U KAKNJU
Broj: 36 0 Su 071885 25 Su 10
Kakanj, 08.05.2025.godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14,59/22 i 50/24), te preporuke Komisije za provođenje postupka javne nabavke iz Zapisnika o pregledu i ocjeni ponuda poslije održavanja e-aukcije broj: 36 0 Su 071885 25 Su 10 od 07.05.2025. godine, u postupku javne nabavke - Nabavka i ugradnja klima uređaja, Predsjednik suda donosi,

O D L U K U **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke roba - Nabavka i ugradnja klima uređaja i ugovor se dodjeljuje ponuđaču ENERGO CENTAR D.O.O. adresa: ul. Cara Dušana 134a, Trn-Laktaši, ponuda broj 923/25 od 24.04.2025. godine za ponudenu cijenu 11.650,00 KM bez PDV-a (jedanaest hiljada šesestopedeset KM), kao najpovoljnijem ponuđaču nakon završetka e-aukcije.

Član 2.

Izabrani ponuđač je dužan u roku od 7 (sedam) dana od dana zaprimanja ove odluke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici Općinskog suda u Kaknju, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Član 5.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora.

Obrazloženje

Postupak javne nabavke roba - Nabavka i ugradnja klima uređaja pokrenut je Odlukom o pokretanju postupka javne nabavke broj: 36 0 Su 071885 25 Su 10 od 17.04.2025.godine. Postupak je proveden putem konkurentskog zahtjeva za dostavu ponuda, za koje je objavljeno obavještenje o nabavci broj: 5359-7-1-12-3-2/25 dana 17.04.2025. godine na Portalu javnih nabavki.

Komisija za javne nabavke dostavila je dana 07.05.2025. godine predsjedniku Općinskog suda u Kaknju Zapisnik o pregledu i ocjeni ponuda broj: 36 0 Su 071885 25 Su 10 od 05.05.2025.godine sačinjen prije održavanja e-aukcije, te Zapisnik o pregledu i ocjeni ponuda broj: 36 0 Su 071885 25 Su 10 od 07.05.2025.godine sačinjen poslije održavanja e-aukcije sa preporukom o izboru najpovoljnijeg ponuđača za predmetnu nabavku.

Komisija za javne nabavke je navela da je blagovremeno i pravilno izvršila javno otvaranje, pregled i ocjenu kvalificiranosti prispjelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te da je zaprimljeno sedam ponuda i to sljedećim redoslijedom:

Redni broj	PONUĐAČ	SJEDIŠTE
1.	A/C SERVIS S.P. GOLEMOVIĆ BOJAN	Dragočaj b.b., Banja Luka
2.	MULTI ELECTRONICS D.O.O.	Treća ulica br.84, Živinice
3.	VIZUM D.O.O.	Gornje Rosulje b.b., Visoko
4.	KONTAX D.O.O.	Goraždanska do broja 152, Zenica
5.	ENERGO CENTAR D.O.O.	Cara Dušana 134a, Trn-Laktaši
6.	U.O. DELTA-THERM VL.ARMIN KUKIĆ	Rudarska b.b., Kakanj
7.	RIMENERG D.O.O.	Zanatska 15, Banovići

Kopija Zapisnika sa otvaranja ponuda dostavljena je ponuđačima putem e-maila dana 29.04.2025. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Nakon izvršenog pregleda i ocjene ponuda, o čemu je komisija sačinila Zapisnik o ocjeni ponuda, proizilazi da su kvalifikovane i prihvatljive ponude ponuđača: A/C SERVIS S.P. GOLEMOVIĆ BOJAN, MULTI ELECTRONICS D.O.O., VIZUM D.O.O., KONTAX D.O.O. i ENERGO CENTAR D.O.O., dok su ponude ponuđača U.O. DELTA-THERM VL.ARMIN KUKIĆ i RIMENERG D.O.O. ocjenjene kao neprihvatljive odnosno nepravilne.

Naime, ponuda ponuđača U.O. DELTA-THERM VL.ARMIN KUKIĆ iznosi 17.982,83 KM bez PDV-a (uz uključeni popust od 556,17 KM). Nadalje, ponuda imenovanog ponuđača nije uopće uvezana, niti su stranice ponude numerisane na način da je obezbijeđen kontinuitet numerisanja.

Tačkom „1.5. Podaci o postupku javne nabavke“ tenderske dokumentacije utvrđena je procijenjena vrijednost nabavke, koja je ujedno i vrijednost obezbijeđenih sredstava za predmetnu nabavku u iznosu od 16.000,00 KM bez PDV-a.

Tačkom „4.1. Sadržaj ponude i način pripreme ponude“ tenderske dokumentacije detaljno je propisan način pripreme ponude (uvezivanje ponude, označavanje rednim brojem stranica ponude-numerisanje i dr.).

Odredbom člana 2. stav 1. alineja 1. tačka 2) Zakona o javnim nabavkama data je definicija pojma „neprihvatljiva ponuda“ kao ponuda čija cijena prelazi planirana, odnosno obezbijeđena novčana sredstva ugovornog organa za nabavku, a članom 2. stav 1. alineja 1. tačka 3. Zakona data je definicija pojma „nepravilna ponuda“ kao ponuda koja nije u skladu sa tenderskom dokumentacijom.

Članom 68. Zakona o javnim nabavkama propisani su razlozi za odbacivanje ponude, a stavom 4. alineja i) istog člana je propisano da je ugovorni organ dužan odbaciti ponudu u slučaju kad ponuda nije potpuna i ne ispunjava zahtjeve iz tenderske dokumentacije, slijedom čega je ponuda ponuđača U.O. DELTA-THERM VL.ARMIN KUKIĆ valjalo odbaciti i istog ocijeniti kao nekvalifikovanog ponuđača u ovom postupku javne nabavke.

Nadalje, ponuda ponuđača RIMENERG D.O.O. je ocjenjena kao nepravilna, odnosno kao ponuda koja nije sačinjena u skladu sa tenderskom dokumentacijom iz razloga što ponuđač u Aneksu 2 -Obrascu za cijenu ponude nije upisao jedinične cijene bez PDV-a niti ukupne cijene bez PDV-a za sve stavke koje su sadržane u obrascu, te nije dostavio dokaz iz tačke 3.4.1. b) tenderske dokumentacije t.j. Izjavu da ima na raspolaganju kvalifikovano osoblje-montažere klima uređaja, da raspolaže sa potrebnom tehničkom opremom, alatima i instrumentima za ugradnju klima uređaja.

Tačkom „4.5.Obrazac za cijenu ponude iz Aneksa“ tenderske dokumentacije propisano je da su ponuđači dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Tačkom „3.4. Tehnička i profesionalna sposobnost“ tenderske dokumentacije propisani su uslovi koje ponuđači trebaju ispuniti u pogledu minimalnih uslova iz člana 48. i 51. ZJN i između ostalog pod b) Da ponuđač ima na raspolaganju kvalifikovano osoblje-montažere klima uređaja, da raspolaže sa potrebnom tehničkom opremom, alatima i instrumentima za ugradnju klima uređaja.

Tačkom 3.4.1. tenderske dokumentacije u svrhu dokazivanja uslova tehničke i profesionalne sposobnosti propisano je da je ponuđač dužan dostaviti taksativno navedene dokaze, između kojih pod b) Izjavu ponuđača da ima na raspolaganju kvalifikovano osoblje-montažere klima uređaja, da raspolaže sa potrebnom tehničkom opremom, alatima i instrumentima za ugradnju klima uređaja.

Odredbom člana 2. stav 1. alineja 1 tačka 3) Zakona o javnim nabavkama data je definicija pojma „nepravilna ponuda“ kao ponuda koja nije u skladu sa tenderskom dokumentacijom.

Članom 68. Zakona o javnim nabavkama propisani su razlozi za odbacivanje ponude, a stavom 4. alineja i) istog člana je propisano da je ugovorni organ dužan odbaciti ponudu u slučaju kad ponuda nije potpuna i ne ispunjava zahtjeve iz tenderske dokumentacije, slijedom čega je ponudu ponuđača RIMENERG D.O.O. valjalo odbaciti i istog ocijeniti kao nekvalifikovanog ponuđača u ovom postupku javne nabavke.

E-aukcija sa kvalifikovanim ponuđačima zakazana je u skladu sa Pravilnikom o uslovima i načinu korištenja E-aukcije ("Službeni glasnik Bosne i Hercegovine" broj 80/23) za dan 07.05.2025. godine u 11,00 sati sa predviđenim trajanjem od 10 minuta.

Po okončanju e-aukcije u skladu sa utvrđenim kriterijem „najniža cijena“ komisija je na osnovu Izvještaja o toku i završetku e-aukcije konstatovala da je ista trajala od 11,00 sati do 11,44 sati i konačna rang lista ponuđača koji su učestvovali u E-aukciji je slijedeća:

Redni broj	Naziv ponuđača	Konačna cijena bez PDV-a
1.	ENERGO CENTAR D.O.O.	11.650,00 KM
2.	KONTAX D.O.O.	11.700,00 KM
3.	A/C SERVIS S.P. GOLEMOVIĆ BOJAN	13.000,00 KM
4.	MULTI ELECTRONICS D.O.O.	13.100,00 KM
5.	VIZUM D.O.O.	15.600,00 KM

Imajući u vidu da je kriterij za dodjelu ugovora najniža cijena i da ponuda ponuđača ENERGO CENTAR D.O.O., nakon e-aukcije iznosi 11.650,00 KM bez PDV-a, ista je ocijenjena kao najpovoljnija ponuda.

Komisija za javne nabavke je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču ENERGO CENTAR D.O.O., što je u skladu sa Zakonom o javnim nabavkama, podzakonskim aktima i tenderskom dokumentacijom.

Pri donošenju ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dipozitivu odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke.

Predsjednik suda

Eldar Zaimović

Dostaviti:

1. UO DELTA-THERM vl. Armin Kukić, putem e-maila delta-therm@hotmail.com
2. RIMENERG D.O.O. putem e-maila info@rimenerg.com
3. ENERGO CENTAR D.O.O., putem e-maila susakzeljko@yahoo.com
4. A/C SERVIS S.P. GOLEMOVIĆ BOJAN, putem e-maila acservisbl@gmail.com
5. MULTI ELECTRONICS D.O.O., putem e-maila info@multielectronics.ba
6. VIZUM D.O.O., putem e-maila vizumvi@gmail.com
7. KONTAX D.O.O., putem e-maila info@kontax.ba
8. web
9. a/a